

敬齋堂經解



三

敬
錄
堂
經
解

新文
中華民國三
十年至秋刊

儀禮古今
文選證

北京古學院藏板

王仁山侍郎札

大著勤求古義以釋古經觸類引伸四通六闢中如袂當
爲件附當爲酌尤見卓識精思非熟于韻聲假借之例不
能有此_弟嘗欲輯古書通作之字以考古音之分合先生
此書先我著鞭矣敬服敬服承委校勘遵命附記一二簽
管窺之見未知是否仍希教正王引之頓首确山先生足
下

儀禮古今文疏證卷上

敬躋堂經解

臨海宋世榮學

士冠禮第一

布席於門中闌西闕外

〔註〕古文闌爲桱闕爲蹙

疏引漢書云魯人高堂生爲漢博士傳儀禮十七篇是
今文也至武帝之末魯恭王壞孔子宅得亡儀禮五十
六篇其字皆以篆書是古文也古文十七篇與高堂生
所傳者同而字多不同○士喪禮席于闌西闕外註古
文闌作桱考工記匠人置桱以縣註桱古文臬假借字
春秋穀梁昭八年傳以葛覆質以爲桱註桱門中臬○
註闕梱也聘禮擯者立于闕外註古文闕爲蹙士喪禮
席於闌西闕外特牲饋食席于門中闌西闕外註並云

古文闕作蹙

旅占

〔註〕古文旅作臚

周禮司儀旅擯〔註〕旅讀爲鴻臚之臚漢書敘傳大夫臚岱〔註〕鄭氏曰臚岱季氏旅於太山是也師古曰旅陳也臚亦陳也臚旅聲相近其義一耳

纁裳

〔註〕今文纁皆作熏

士昏禮玄纁〔註〕今文纁皆作熏小戴記禮器士不衣纁裳陸德明本作熏裳又明堂位〔註〕纁白陸本作熏白

側尊一甒醴

〔註〕古文甒作廡

既夕甒二少牢饋食司宮尊兩甒〔註〕並云古文甒皆作廡士虞禮尊兩甒〔註〕古文甒爲廡

世榮

案甒字古作甒

廡从甒省

各一匱執以待于西坫南

註古文匱爲簋坫爲檐

註匱竹器名釋文匱本或作算史記汲鄭傳不過算器
食徐廣曰算竹器○註坫在堂角漢書文帝紀或阼于
危亡服虔曰阼音反坫之坫孟康曰阼音屋檐之檐師
古曰服孟二音竝通國語吳語王背檐而坐註檐屋外
邊壇也世犖案坫卽謂屋之外向者知坫卽檐字檐又
爲檐之假借字矣

兄弟畢袵立

註古文袵爲均也

註袵同也春秋左僖五年傳均服振振釋文均同也字
書作衤文選吳都賦六軍衤服劉註衤同也淮南子齊
俗尸祝衤衤世犖案衤衤卽袵立字篆文衤衤形近

采衣紛

註古文紛爲結

註紒結髮下主人紒而迎賓註古文紒爲結漢書陸賈

傳尉佗魑結箕踞師古曰結讀曰髻春秋左襄四年傳

註髻麻髮合髻也釋文髻本作紒又作結

贊者盥于洗西

〔註〕古文盥皆作浣

鄉射禮盥洗注古文盥皆作浣春秋左襄十九年傳范
宣子盥而撫之論衡論死作浣而撫之

贊者奠纚笄櫛于筵南端

〔註〕古文櫛爲節

櫛字从木節節櫛同聲故櫛省作節

壹揖壹讓升

〔註〕古文壹皆作一

士相見禮主人答壹拜少牢饋食答壹拜有司徹皆答
壹拜註並云古文壹爲一士相見禮君答壹拜鄉飲酒
禮壹揖壹讓聘禮公壹拜送公食大夫禮壹以授賓註

並云古文壹作一鄉射禮壹揖壹讓公食大夫禮公壹揖壹讓註並云古文壹皆作一聘禮壹食再饗註古文壹皆爲一小戴記表記節以壹惠註壹讀爲一世榮案壹一經典通用不可枚舉

面葉

註古文葉爲搗

士昏禮面葉註古文葉作搗小戴記曲禮注引弟子職曰執箕膺搗陸德明本作膺葉七經考文云足利古本是葉字

面枋

註古今文枋爲柄

士昏禮皆南枋註今文枋作枓特性饋食註東枋釋文枋本亦作柄周禮內史掌王之八枋之法釋文枋本又作柄小戴記禮運以四時爲柄釋文柄本又作枋五經

文字木部枋古柄字

啐醴

〔註〕古文啐爲呼

孟子告子嘽爾而與之註嘽爾猶呼爾咄啐之貌音義引丁音啐呼也

世聲

案啐呼形近易混

束帛儷皮

〔註〕古文儷爲離

註儷皮兩鹿皮也小戴記月令宿離不忒註離讀爲儷偶之儷說文鹿部麗字引禮麗皮納聘鄉飲酒禮乃歌魚麗釋文麗本亦作離易彖傳離麗也又象上傳麗澤兌鄭本作離象下傳離王公也鄭本作麗詩漸漸之石月離于畢論衡說日引作月麗于畢文選潘安仁詩婉婉長離註離與麗古字通國策高漸離論衡書虛作漸麗左定二年傳麗姬竹書作離姬

攝酒

〔註〕今文攝爲聶

有司徹司宮攝酒〔註〕今文攝爲聶小戴記內則聶而切之釋文聶一作攝

設局鼎

〔註〕今文局爲鉉古文鼎爲密

士昏禮設局鼎〔註〕局所以扛鼎鼎覆之今文局作鉉鼎皆作密公食大夫禮設局鼎〔註〕今文局作鉉古文鼎皆作密士虞禮抽局〔註〕今文局爲鉉又取鼎〔註〕古文鼎爲密又抽局鼎有司徹乃設局鼎〔註〕並云今文局爲鉉古文鼎爲密說文金部鉉舉鼎具也易謂之鉉禮謂之鼎又鼎部鼎以木橫貫鼎耳而舉之从鼎口聲周禮廟門容大鼎七箇卽易玉鉉大吉也今考工記匠人作容大局

世聲

案匡謬正俗局以貫鉉非卽鉉也其說非是考

毛晃增韻鼎字平仄分收蓋从平聲者通作局从仄聲者通作密說文冂部冂鼎覆也臣鉉等曰今俗作冡同士喪禮冡用疏布註古文冡皆作密少牢饋食皆設冡冡註古文冡皆爲密五經文字冂部冡與冢同

羸醢

註今文羸爲蝸

士喪禮既夕少牢饋食各羸醢字註並云今文羸爲蝸說文虫部蝸羸也爾雅釋魚蚘羸蠅蚘註卽蝸牛也

主人紒而迎賓

註古文紒爲結

見上采衣紒條

禮於阼

註今文禮作醴

上請醴賓註此醴當作禮又若下醴註醴亦當爲禮士昏禮出請醴賓註此醴亦當爲禮又贊醴婦註醴當爲

禮又如初禮註古文禮爲醴聘禮賓拜禮於朝註今文禮爲醴又禮玉註今文禮皆作醴小戴記內則宰醴負子註醴當爲禮昏義贊醴婦註醴婦當作禮聲之誤也釋名釋飲食醴禮也漢書郊祀志俎豆醴進註謂雜物之具所以加禮也

某有子

註古文某爲謀

玉篇木部某酸果也又音毋不知名者云某

世榮

案某

字本假借無的字故古文或爲謀註從今通用字

以病吾子

註古文病爲秉

秉古柄字春秋邴意茲史記作秉意茲文選與吳質書古人思炳燭夜游註秉或作炳皆偏旁得通之證

賓對曰

註今文無對

眉壽萬年

〔註〕古文眉作麋

方言註麋猶眉也大戴記王言孔子愀然揚麋註麋一作眉荀子非相孔子面無須麋註麋與眉同集古錄漢故北海相景君碑有云不永麋壽余家集錄三代古器銘有云眉壽者皆爲麋壽蓋古字簡少通用至漢猶然也

漢隃麋縣十六國春秋作榆眉

嘉薦亶時

〔註〕古文亶爲瘳

古亶單一字詩板下民卒瘳陸德明本作憊小戴記緇衣引作下民卒瘳陸本作亶詩桑柔逢天憊怒釋文憊本亦作亶

孝友時格

〔註〕今文格爲嘏

釋文嘏又作假少牢饋食以嘏于主人註古文嘏爲格

小戴記曾子問不旅不假註假讀爲嘏禮運祝嘏釋文
嘏本作假世榮案易王假有廟王假有家詩饔假無言
皆以假爲格字

曰伯某甫

註甫字或作父

士相見禮若父則遊目註今文父爲甫釋名釋親屬父

甫也

世榮

案父甫經典通用不可枚舉

章甫

註甫或爲父今文爲斧

甫父見上釋名釋用器斧甫也

士昏禮第二

當阿

註今文阿爲廢

註阿棟也入堂深示親親鄉射禮序則物當棟堂則物

當楣註正中曰棟次曰楣前曰廢

世榮

案如此註是廢

淺於楣鄉飲酒禮聘禮皆云賓當楣計主人在阼賓行
自應當楣但庶尙在楣外今鄭云入堂深示親親鄉射
禮又棟楣對舉則此當阿之爲當棟無疑今文非也故
鄭不從

周禮大人幾珥註鄭司農云幾讀爲庶錢明經站曰幾阿聲之轉也

如初禮

〔註〕今文禮爲醴

見士冠禮禮於阼條

授拔

〔註〕古文拔爲枝

既夕拔在南〔註〕古文拔爲枝

世犖

案拔當爲校莊子天

地大如標校釋文校本作枝荀子彊國拔戟加乎首註
拔或作拔或作枝

面葉

〔註〕古文葉作搗

見士冠禮面葉條